

ANEKS I: JAVNI POZIV

Na osnovu člana 10. stav (2) Zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godinu („Službeni glasnik BiH“, broj 46/20) i člana 14. i 15. Odluke o kriterijima za dodjelu grant sredstava Ministarstva za ljudska prava i izbjeglice Bosne i Hercegovine za 2020. godinu koju je Vijeće ministara Bosne i Hercegovine usvojilo na 36. vanrednoj sjednici održanoj 18.11.2020. godine, Ministarstvo za ljudska prava i izbjeglice Bosne i Hercegovine objavljuje

JAVNI POZIV za dodjelu Grantova za aktivnosti prema iseljeništvu

1. CILJ FINANSIRANJA/SUFINANSIRANJA PROJEKATA

Cilj dodjele grant sredstava je podrška nevladinim organizacijama i udruženjima u njihovim aktivnostima prema iseljeništvu.

2. UKUPAN IZNOS SREDSTAVA PLANIRAN ZA FINANSIRANJE/SUFINANSIRANJE PROJEKATA

Grant sredstva su namijenjena jačanju kulturne, obrazovne, privredne i sportske saradnje sa iseljeništvom, očuvanju identiteta, kulture i maternjeg jezika (B/H/S), uz aktivan angažman iseljeništva u realizaciji projektnih aktivnosti, u iznosu od 10.000,00 KM i osigurana su u okviru budžeta Ministarstva za ljudska prava i izbjeglice Bosne i Hercegovine za 2020. godinu.

Grantom se mogu podržati projektni prijedlozi kojima se provode sljedeće aktivnosti:

- a) aktivnosti koje doprinose pristupu pravima iseljeništva u BiH;
- b) uvezivanje i zajedničke aktivnosti sa organizacijama u iseljeništvu koje imaju za cilj jačanje saradnje u oblasti obrazovanja, kulture, sporta i slično;
- c) aktivnosti na očuvanju tradicije, kulture i identiteta i maternjih jezika (B/H/S);
- d) saradnja sa mladima u iseljeništvu u cilju njihovog vezivanja sa BiH;
- e) promocija lokalnih razvojnih potencijala Bosne i Hercegovine;
- f) aktivnosti vezane za privlačenje investicija iseljeništva u Bosnu i Hercegovinu, organiziranje biznis foruma i slično.

Sve projektne aktivnosti finansirane Grantom moraju biti provedene na teritoriju Bosne i Hercegovine.

3. IZNOS SREDSTAVA PLANIRAN ZA FINANSIRANJE PO ODOBRENOM PROJEKTU

Iznos sredstava koji se može dodijeliti po jednom projektnom prijedlogu je u iznosu do 5.000,00 KM.

4. OPĆI USLOVI ZA UČEŠĆE NA JAVNOM POZIVU

- a) prijava mora biti dostavljena u roku propisanom u javnom pozivu;
- b) prijava mora biti dostavljena na propisanim obrascima/aneksima;
- c) svi obrasci/aneksi moraju biti potpisani i ovjereni;
- d) prijava mora sadržavati svu obaveznu dokumentaciju.

Prijave koje ne ispunjavaju opće uslove će biti odbačene.

5. OSNOVNI KRITERIJI

(1) Osnovni kriteriji za vrednovanje projektnih prijedloga su sljedeći:

a) projektni prijedlog mora odgovarati namjeni i ciljevima granta iz člana 14. Odluke o kriterijima za dodjelu grant sredstava Ministarstva za ljudska prava i izbjeglice Bosne i Hercegovine za 2020. godinu;

b) u slučaju da se projektom predviđa naknada za projektno osoblje, troškovi ne mogu prelaziti 10% od iznosa dodijeljenih grant sredstava;

c) ako se u projektu predviđa nabavka opreme, ona mora biti povezana sa realizacijom projektne aktivnosti i sredstva za ove namjene ne mogu prelaziti 20% od ukupnog budžeta projekta;

d) projekat ne smije sadržavati neprihvatljive troškove u koje spadaju:

- 1) dugovanja i rezerve za gubitke ili dugovanja;
- 2) dugovanja po kamati;
- 3) stavke već finansirane u sklopu nekog drugog projekta;
- 4) kupovina i iznajmljivanje zemljišta i postojećih zgrada;
- 5) troškovi režija (voda, struja, grijanje, internet i sl);
- 6) troškovi lizinga;
- 7) porezi i carinski troškovi;
- 8) kupovina korištene opreme;
- 9) troškovi jamstava i slični izdaci;
- 10) kreditiranje trećih osoba i sl;
- 11) studijske posjete, uz izuzetak da se mogu finansirati iz vlastitih sredstava;
- 12) kupovina vozila.

(2) Prijave koje ne ispunjavaju osnovne kriterije će biti odbijene.

6. LISTA OBVEZNE KONKURSNE DOKUMENTACIJE

a) prijava (Aneks II);

b) prijedlog projekta (Aneks III);

c) budžet projekta (Aneks IV);

d) izjava o partnerstvu (Aneks VI);

e) izvod iz registra udruženja i fondacija nosioca projekta, ili nosioca projekta i partnera, ukoliko više udruženja i fondacija zajednički podnosi prijavu projekta (ne stariji od tri mjeseca);

f) izvod iz osnivačkog akta ili statuta (iz kojeg su vidljivi statutarni ciljevi nosioca i partnera na projektu, ukoliko isti nisu vidljivi iz rješenja o upisu u registar);

g) pisana izjava ovlaštenog lica nosioca projekta kako su dostavljeni podaci istiniti, da nosilac i partneri na projektu, ukoliko se radi o zajedničkom projektu, ispunjavaju uslove iz člana 11. Pravilnika o kriterijima za finansiranje i sufinansiranje projekata u područjima od javnog interesa koje provode udruženja i fondacije.

7. NAČIN PODNOŠENJA PROJEKTNIH PRIJEDLOGA

Projektni prijedlozi se dostavljaju lično ili putem pošte na adresu Ministarstva za ljudska prava i izbjeglice BiH, Trg Bosne i Hercegovine broj 3. 71000 Sarajevo, u zatvorenim kovertama, sa naznakom:

**NE OTVARAJ
JAVNI POZIV ZA DODJELU
GRANTOVA ZA AKTIVNOSTI PREMA ISELJENIŠTVU**

8. KRAJNI ROK ZA PODNOŠENJE PRIJAVA

Rok za podnošenje prijava je 14 dana od dana objavljivanja Javnog poziva na web stranici ministarstva i obavijesti o objavi Javnog poziva u tri dnevna lista koji se distribuiraju na cijeloj teritoriji Bosne i Hercegovine. Nepotpune i neblagovremene prijave neće biti razmatrane.

9. DODATNE INFORMACIJE

Sva dodatna pitanja u vezi Javnog poziva se mogu dostaviti putem elektronske pošte, najkasnije 7 dana do isteka roka za podnošenje projektnog prijedloga, sa jasno naznačenim nazivom Javnog poziva u predmetu poruke, i to na sljedeću email adresu: marijana.knezevic@mhrr.gov.ba.

10. KRITERIJI ZA VREDNOVANJE PROJEKTNIH PRIJEDLOGA

Prilikom razmatranja projektnih prijedloga Komisija će vrednovati sljedeće:

1. kvalitet predloženog projekta;
2. budžet projekta i održivost;
3. institucionalni kapaciteti udruženja/ fondacije;
4. prednosti projekta i dodatni kriteriji (zajednički projekti sa organizacijama iseljništva i da projekat ima osigurano vlastito sufinansiranje)

11. PROCEDURA I OBAVIJEST O REZULTATIMA JAVNOG POZIVA

Odabir korisnika granta, odnosno Projektnih prijedloga vrši Komisija za odabir korisnika grant sredstava imenovana na prijedlog Ministarstva za ljudska prava i izbjeglice BiH. Komisija za odabir korisnika grant sredstava pregleda prijave u cilju eliminiranja nepotpunih i neblagovremenih prijava, nakon čega pristupa proceduri odabira korisnika granta. Samo oni projektni prijedlozi koji nakon evaluacije i bodovanja ostvare 50 i više bodova od mogućih 100, uvrstavaju se na rang listu za finansiranje. Konačna odluka o projektnim prijedlozima koji će biti finansirani iz ovog granta će biti donesena na osnovu liste najbolje rangiranih projektnih prijedloga.

Komisija sačinjava Prijedlog odluke o odabiru korisnika granta, odnosno projektnih prijedloga i dostavlja ministru za ljudska prava i izbjeglice BiH. Odluku o odabiru korisnika granta, odnosno projektnih prijedloga donosi Vijeće ministara BiH na prijedlog ministra za ljudska prava i izbjeglice BiH. Ministarstvo za ljudska prava i izbjeglice BiH će obavijest o rezultatima odabira projektnih prijedloga kao i obavijesti o eventualnom odbacivanju ili odbijanju projektnih prijedloga dostaviti svim podnosiocima prijave.

12. KALENDAR JAVNOG POZIVA

Datum objavljivanja javnog poziva na web stranici ministarstva.	20.11.2020. godine
Krajnji rok za upute i pojašnjenja	28.11.2020. godine
Rok za podnošenje prijave i dokumentacije	04.12.2020. godine

13. SASTAVNI DIO OVOG JAVNOG POZIVA SU:

- Odluka o kriterijima za dodjelu grant sredstava Ministarstva za ljudska prava i izbjeglice Bosne i Hercegovine za 2020. godinu

Obvezna konkursna dokumentacija: Aneksi II-IV i VI (obavezno popuniti i dostaviti);

-Aneks VII: PRIMJER FINALNOG FINANSIJSKOG IZVJEŠTAJA ZA PROJEKT;

-Aneks VIII: PRIMJER ZAVRŠNOG IZVJEŠTAJA O PROVOĐENJU PROJEKTA.